



Adran y Gymraeg ac
Astudiaethau Celtaidd

Astudiaethau israddedig yn y

Gymraeg ac Astudiaethau Celtaidd

Cynnwys

Croeso	t.1
Ein cyrsiau	t.2
MA Astudiaethau Cyfieithu Proffesiynol	t.12
Proffiliau myfyrwyr	t.14
Cyflogadwyedd	t.16
Ymchwil	t.17
Cyfleoedd byd-eang	t.18
Sut i wneud cais	t.20



Gwybodaeth bwysig

Roedd yr wybodaeth a gyhoeddir yn y llyfryn hwn am y rhaglenni gradd yn gywir pan anfonwyd y ddogfen i'w argraffu (Mai 2021), ond gellid ei newid. Cyn gwneud cais, rydym yn cyngori darpar fyfyrwyr i edrych ar ein gwefan i gael yr wybodaeth a'r manylion diweddaraf am y cwrs gan gynnwys ein gofynion mynediad, er mwyn bod yn sicr fod y cynllun yn addas i'w gofynion.

Croeso

Croeso i Adran Gymraeg gyntaf Cymru. Sefydlwyd Adran y Gymraeg ac Astudiaethau Celtaidd Aberystwyth ym 1875, ac ers hynny mae'r Adran wedi arwain y sector â chyrsiau arloesol ym maes iaith a llên, ysgrifennu creadigol, Cymraeg Proffesiynol, astudiaethau cyfieithu ac Astudiaethau Celtaidd.

Yn y Gymru gyfoes ddatganoledig sydd wedi rhoi statws swyddogol i'r Gymraeg, rydym yn paratoi ein myfyrwyr ar gyfer ystod ehangach nag erioed o swyddi, ac rydym yn chwarae rôl allweddol yn yr ymgyrch i sicrhau miliwn o siaradwyr Cymraeg erbyn 2050.

Mae'r Adran yn gymuned agos ac eangfrydig sy'n cynnig amgylchedd cefnogol i'w holl fyfyrwyr, boed yn ddechreuwr neu'n siaradwyr hyderus a rhugl. Gan fod ein myfyrwyr yn dod atom o bob rhan o Gymru a'r byd mae deinameg arbennig i'n bywyd academiaidd a chymdeithasol.

Fel Adran, rydym wedi ymrwmo i ddarparu cyrsiau diddorol sy'n hogi sgiliau beirniadol ein myfyrwyr ac yn eu hysbrydoli i gyflawni eu potensial. Mae staff yr Adran yn ymchwilwyr profiadol ac adnabyddus yn eu meysydd ac maent yn cyhoeddi ymchwil o safon ryngwladol sy'n bwydo i mewn i'r cyrsiau sydd ar gael.

Mae diddordebau ymchwil eang ein staff yn golygu bod Aberystwyth yn cynnig profiad dysgu cyflawn. Mae ein cyrsiau yn eang eu cwmpas ac yn cynnig cyfle i astudio'r Gymraeg yn y gweithle proffesiynol, astudiaethau cyfieithu, barddoniaeth a rhyddiaith gyfoes, beirniadaeth lenyddol, ysgrifennu creadigol, llenyddiaeth yr Oesoedd Canol, ac ysgrifennu menywod. Rydym hefyd yn arbenigo ym maes Astudiaethau Celtaidd, ac felly mae ein myfyrwyr hefyd yn rhydd i astudio'r Wyddeleg, Llydaweg a Gaeleg yr Alban. Mae cyfleoedd eraill ar gael

hefyd drwy gyfrwng cynlluniau cyfnewid â phrifysgolion yn Ewrop a gogledd America. Chi biau'r dewis!

O ymuno â ni, byddwch yn ymuno â phrifysgol sydd wedi ennill safon Aur y Fframwaith Rhagoriaeth Dysgu. At hynny, cafodd y Brifysgol gydnabyddiaeth Canllaw Prifysgolion Da The Times a Sunday Times am ansawdd uchel y dysgu, ddwy flynedd yn olynol. Rydym yn cyfoethogi darlithiau a seminarau â thechnegau dysgu arloesol, gwaith grŵp, ac adnoddau electronig. I fyfyrwyr iaith, mae gennym lwybrau yn y Gymraeg a'r Wyddeleg wedi eu teilwra ar gyfer pob gallu, ac mae modd astudio Gaeleg yr Alban a Llydaweg hefyd.

Oherwydd ei lleoliad, mae myfyrwyr Aberystwyth - yn ddechreuwr ac yn

siaradwyr rhugl fel ei gilydd - yn gallu defnyddio eu sgiliau ieithyddol yn y gymuned yn ogystal ag ar gampws y Brifysgol.

Rydym hefyd yn darparu Tiwtor Ail Iaith penoddedig, cynllun mentora gan gymheiriaid, ac amser paned anffurfiol rheolaidd. At hynny, mae UMCA (Undeb Myfyrwyr Cymraeg Aberystwyth) yn dod â siaradwyr Cymraeg at ei gilydd mewn ystod o ddigwyddiadau cymdeithasol, cerddorol, elusennol a chwaraeon ar draws y fwyddyn academiaidd. Ymhlith uchafbwyntiau'r fwyddyn mae'r cwis poblogaidd a gynhelir yn ystod yr Wythnos Groeso, ynghyd â'r Noson Llên a Chân a lansiad blynyddol Y Ddraig a drefnir gan ein myfyrwyr.

Er mwyn dysgu rhagor am ein Hadran a'n cynlluniau gradd, dewch i un o'n Diwrnodiau Agored. Cewch weld dros och eich hunan pam fod ein myfyrwyr wedi dyfarnu 100% inni am foddhad cyffredinol yn yr holiadur NSS diweddaraf.

Dr Cathryn A. Charnell-White
Pennaeth Adran



Ein cyrsiau

Anrhydedd sengl

Astudiaethau Celtaidd	t.3
Cymraeg	t.4
Cymraeg (i Ddechreuwyr)	t.5
Cymraeg a'r leithoedd Celtaidd	t.6
Cymraeg Proffesiynol	t.8
Cymraeg y Gweithle Proffesiynol	t.9
Ysgrifennu Creadigol a'r Diwydiant Cyhoeddi	t.10
Graddau Cyfun	t.11

Astudiaethau Celtaidd

BA (Anrh)

Mae Aberystwyth yn adnabyddus am ei hymchwil ym maes yr ieithoedd Celtaidd ynghyd â'u diwylliannau, eu hanes a'u llenyddiaeth. Bydd ein gradd mewn Astudiaethau Celtaidd, sy'n bedair blynedd o hyd, yn rhoi cyfle unigryw i chi ddysgu am yr ieithoedd Celtaidd a'u diwylliannau.

Cwrs cyfrwng Saesneg yw hwn. Cymraeg a'r leithoedd Celtaidd (Q562) yw'r cwrs Cymraeg cyfatebol.

Yn eich blwyddyn gyntaf byddwch yn meithrin y sgiliau i allu ystyried cwestiynau eang ynghylch hunaniaeth, diwylliant a llenyddiaeth, gan ymgymryd yr un pryd â dysgu iaith Geltaidd fodern. Wedi hynny, byddwch yn canolbwyntio ar ehangu a dyfnhau eich gwybodaeth o'r ieithoedd Celtaidd ac yn dysgu mwy am eu llenyddiaeth a'u diwylliant o'r cyfnod cynharaf hyd heddiw.

Y Gymraeg a'r Wyddeleg yw'r ieithoedd craidd a gynigir. Fodd bynnag, mae'r ystod o fodiwlau sydd ar gael yn golygu bod digon o gyfle i chi gynllunio cwrs gradd sy'n gweddu i'ch diddordebau, ee Llydaweg a'r diwylliant Celtaidd ehangach.

Dyma rai o'r cyfleoedd sydd ar gael i fyfyrwyr Astudiaethau Celtaidd yn Aberystwyth:

- clywed a defnyddio'r Gymraeg mewn cymuned Gymraeg ei hiaith
- ymuno â'r unig adran academaidd yn y DU sy'n dysgu'r holl ieithoedd Celtaidd byw, sef Cymraeg, Gwyddeleg, Gaeleg yr Alban a Llydaweg
- manteisio ar gymuned ysgolheigaidd eangfrydig a rhyngwladol, a diwylliant ymchwil byrlymus
- manteisio ar adnoddau Llyfrgell Genedlaethol Cymru a'r Ganolfan Uwchefrydiau Cymreig a Cheltaidd sydd o fewn cyrraedd hwylus
- ymgeisio am ysgoloriaeth gan Lywodraeth Iwerddon i ddilyn cwrs iaith dwys yn Iwerddon.

Cyflogadwyedd

Mae cyfleoedd gyrfa yn cwmpasu cyfieithu (gan gynnwys cyfieithu ar y pryd), trawsgrifio, newyddiaduraeth a darlledu, cyhoeddi, ysgrifennu copi, gweinyddu a rheoli.

Modiwlau craidd

Dyma'r modiwlau craidd y mae'n bosibl y byddwch yn eu hastudio ar y cwrs hwn.

Y flwyddyn gyntaf:

- The Celts: A Contested Legacy
- Beginning Modern Welsh 1 & 2
- Introduction to the Literature of Gaelic Ireland
- Introduction to Welsh Literature.

Yr ail flwyddyn:

- Introduction to Modern Irish Language neu Modern Irish Language and Literature for Non-Beginners
- Ysgrifennu Cymraeg Graenus
- Llenyddiaeth Gymraeg: Cyfoes a Hanesyddol
- Cwrs Cymraeg Llafar (cwrs haf Dysgu Cymraeg mis Awst).

Y drydedd a'r bedwaredd flwyddyn:


Modiwlau dewisol, ond ceir modiwlau penodol ar gyfer llwybrau iaith y Gymraeg a'r Wyddeleg.

Dyma rai o'r modiwlau dewisol y gallwch eu hastudio i ddatblygu eich diddordebau arbenigol:


- Rhyddiaith y Dadeni
- Y Cynfeirdd Diweddar
- Y Gynganedd: Cwrs Trochi
- Rhyddiaith Tri Chwarter Canrif, 1900-79
- Traddodiad Benywaidd? Merched a Barddoniaeth 1400-1800
- Y Chwedl Arthuraidd cyn 1200
- Y Gymraeg yn y Gweithle
- Y Golygydd a'r Diwydiant Cyhoeddi
- Testunau Bob Lliw
- Y Cyfieithydd a'r Sector Cyfieithu
- Llydaweg: Cyflwyniad.

I gael rhagor o fanylion am y modiwlau dewisol sydd ar gael, gweler y rhestr gyfredol ar ein gwefan, neu cysylltwch â ni.

Ffeithiau Allweddol

 Math o radd: BA.

 Cod UCAS: Q500.

 Hyd: 4 blynedd.

BA (Anrh)

O astudio cwrs gradd yn y Gymraeg yn Aberystwyth, byddwch yn aelod o Adran sy'n arwain y sector mewn meysydd fel astudiaethau cyfieithu, ysgrifennu creadigol a'r Gymraeg yn y gweithle proffesiynol. Mae'r Adran yn gartref i gymuned fywiog o fyfyrwyr ac ymchwilwyr, o Gymru a'r tu hwnt, sy'n rhannu'r nod o hybu dealltwriaeth ehangach o'r iaith, ei hanes, ei llenyddiaeth, a'i lle yn y byd modern.

Mae'r cynllun gradd hwn yn cynnwys llwybrau Ail iaith ac Iaith Gyntaf. Bydd astudio am radd BA Cymraeg yn caniatáu ichi wella eich Cymraeg ysgrifenedig a llafar, astudio ystod gynhwysfawr o lenyddiaeth o bob cyfnod, a dyfnhau eich dealltwriaeth o'r iaith a'r modd y mae'n parhau i ddatblygu mewn cyd-destun byd-eang.


Dyma rai o'r cyfleoedd sydd ar gael i fyfyrwyr BA Cymraeg yn Aberystwyth:

- cael eu dysgu gan arbenigwyr yn y Gymraeg a'i llenyddiaeth - staff sy'n weithgar fel ymchwilwyr ac yn brofiadol iawn ym maes dysgu
- byw a gweithio yn un o gadarnleoedd yr iaith, gyda'r cyfle i fyw yn Neuadd Pantycelyn, a agorodd ei drysau ar ei newydd wedd ym mis Medi 2020
- dysgu iaith Geltaidd arall yn ogystal â'r Gymraeg os ydynt yn dymuno, sef Gwyddeleg, Gaeleg yr Alban neu Lydaweg
- dewis o blith ystod eang o fodiwlau ieithyddol, llenyddol, beirniadol, proffesiynol a chreadigol
- manteisio ar agosrwydd Llyfrgell Genedlaethol Cymru a'i chasgliad o adnoddau llenyddol, clywedol a gweledol gwych.


Cyflogadwyedd

Mae adborth gan gyflogwyr yn dangos yn gyson bod gradd yn y Gymraeg yn arwydd o gyrhaeddiad uchel, ac mae tystiolaeth bod galw mawr am raddedigion o'r fath mewn amrywiaeth o swyddi. Mae ein graddedigion yn gweithio yn y sectorau cyhoeddus a phreifat mewn meysydd megis dysgu, cyfieithu, gweinyddu, y cyfryngau a chyhoeddi, gwaith cymdeithasol, y gyfraith, twristiaeth, a'r heddlu. Yn ogystal, mae deddfwriaeth iaith, a sefydlu Senedd Cymru wedi arwain at alw cynyddol am weithwyr sifil a chanddynt sgiliau ieithyddol da.

Ffeithiau Allweddol

 Math o radd: BA.

 Cod UCAS: Q560.

 Hyd: 3 blynedd.

BA (Anrh)

O astudio cwrs gradd yn y Gymraeg yn Aberystwyth, byddwch yn aelod o Adran sy'n arwain y sector mewn meysydd fel astudiaethau cyfieithu, ysgrifennu creadigol a'r Gymraeg yn y gweithle proffesiynol. Mae'r Adran yn gartref i gymuned fywiog o fyfyrwyr ac ymchwilwyr, o Gymru a'r tu hwnt, sy'n rhannu'r nod o hybu dealltwriaeth ehangach o'r Gymraeg, ei hanes, ei llenyddiaeth, a'i lle yn y byd modern.

Ar y cwrs pedair blynedd hwn, cewch gyfle i wella eich Cymraeg ysgrifenedig a llafar, astudio ystod gynhwysfawr o lenyddiaeth o bob cyfnod, a dyfnhau eich dealltwriaeth o'r iaith a'r modd y mae'n parhau i ddatblygu mewn cyd-destun byd-eang.

Dyma rai o'r cyfleoedd sydd ar gael i fyfyrwyr Cymraeg yn Aberystwyth:


- cael eu dysgu gan arbenigwyr yn y Gymraeg a'i llenyddiaeth - staff sy'n weithgar fel ymchwilwyr ac yn brofiadol iawn ym maes dysgu
- byw a gweithio yn un o gadarnleoedd yr iaith, gyda'r cyfle i fyw yn Neuadd Pantycelyn, a agorodd ei drysau ar ei newydd wedd ym mis Medi 2020
- dysgu iaith Geltaidd arall yn ogystal â'r Gymraeg os ydynt yn dymuno, sef Gwyddeleg, Gaeleg yr Alban neu Lydaweg
- dewis o blith ystod eang o fodiwlau ieithyddol, llenyddol, beirniadol, proffesiynol a chreadigol
- manteisio ar agosrwydd Llyfrgell Genedlaethol Cymru a'i chasgliad o adnoddau llenyddol, clywedol a gweledol gwych.


Cyflogadwyedd

Mae adborth gan gyflogwyr yn dangos yn gyson bod gradd yn y Gymraeg yn arwydd o gyrhaeddiad uchel, ac mae tystiolaeth bod galw mawr am raddedigion o'r fath mewn amrywiaeth o swyddi. Mae ein graddedigion yn gweithio yn y sectorau cyhoeddus a phreifat mewn meysydd megis dysgu, cyfieithu, gweinyddu, y cyfryngau a chyhoeddi, gwaith cymdeithasol, y gyfraith, twristiaeth, a'r heddlu. Yn ogystal, mae deddfwriaeth iaith, a sefydlu Senedd Cymru wedi arwain at alw cynyddol am weithwyr sifil a chanddynt sgiliau ieithyddol da.

Ffeithiau Allweddol

 Math o radd: BA.

 Cod UCAS: Q522.

 Hyd: 4 blynedd.

Modiwlau craidd

Dyma'r modiwlau craidd y mae'n bosibl y byddwch yn eu hastudio ar y cwrs hwn.

Y flwyddyn gyntaf:

- Beginning Modern Welsh 1 & 2
- Introduction to Welsh Literature.

Yr ail flwyddyn:

- Trafod y Byd Cyfoes
- Sgiliau Astudio Iaith a Llên
- Ysgrifennu Cymraeg Graenus.

Y drydedd flwyddyn:

- Cymraeg Llyfr a Chymraeg Llafar
- Cymraeg y Gweithle Proffesiynol.

Y flwyddyn olaf:

- Gloywi iaith yr Ail iaith.

Dyma rai o'r modiwlau dewisol y gallwch eu hastudio i ddatblygu eich diddordebau arbenigol:

- Rhyddiaith y Dadeni
- Y Cynfeirdd Diweddar
- Y Gynganedd: Cwrs Trochi
- Rhyddiaith Tri Chwarter Canrif, 1900-79
- Traddodiad Benywaidd? Merched a Barddoniaeth 1400-1800
- Y Chwedl Arthuraidd cyn 1200
- Y Gymraeg yn y Gweithle
- Y Golygydd a'r Diwydiant Cyhoeddi
- Testunau Bob Lliw
- Y Cyfieithydd a'r Sector Cyfieithu
- Llydaweg: Cyflwyniad
- Gwyddeleg Modern: Cyflwyniad.

I gael rhagor o fanylion am y modiwlau dewisol sydd ar gael, gweler y rhestr gyfredol ar ein gwefan, neu cysylltwch â ni.

Cymraeg a'r leithoedd Celtaidd 100% ar gael drwy'r Gymraeg

BA (Anrh)

O astudio Cymraeg a'r leithoedd Celtaidd yn Aberystwyth cewch gyfle i astudio Gwyddeleg Gaeleg yr Alban a Llydaweg, yn ogystal â'r Gymraeg. Byddwch yn meithrin dealltwriaeth ddyfnach o'r leithoedd Celtaidd a'u llenyddiaethau hanesyddol a chyfoes, ynghyd â gwerthfawrogi eu deinameg ddiwylliannol a chreadigol.

Dysgir y cwrs hwn yn un o adrannau mwyaf blaenllaw y Deyrnas Unedig ar gyfer astudio'r Gymraeg a'r leithoedd Celtaidd, a chynigiwn ddewis helaeth o fodiwlau sy'n sicr o danio'ch diddordeb.

Nod y cwrs hwn yw hyrwyddo eich datblygiad ieithyddol, ac felly bydd myfyrwyr y cynllun fel arfer yn treulio semester yn eu trydedd flwyddyn yn astudio mewn prifysgol dramor. Bydd y profiad hwn yn caniatáu i chi feithrin eich sgiliau iaith a'ch hyder, ac, yn ogystal â hyn, byddwch yn dysgu sgîl y mae cyflogwyr yn ei edmygu'n fawr - y gallu i fyw a gweithio'n annibynnol.

Dyma rai o'r cyfleoedd sydd ar gael i fyfyrwyr y Gymraeg a'r leithoedd Celtaidd yn Aberystwyth:

- bod yn rhan o Adran y Gymraeg ac Astudiaethau Celtaidd hynaf Cymru
- bod yn rhan o Adran a chanddi lu o gysylltiadau gwaith â busnesau preifat a chyrrff sector cyhoeddus, a hynny'n eich galluogi i greu cysylltiadau gwerthfawr ym myd gwaith
- ymuno â'r unig adran academaidd ym Mhrydain sy'n dysgu pob un o'r leithoedd Celtaidd byw: Cymraeg, Gwyddeleg, Gaeleg yr Alban a Llydaweg
- manteisio ar agosrwydd Llyfrgell Genedlaethol Cymru a'r Ganolfan Uwchefrydiau Cymreig a Cheltaidd
- ymgeisio am ysgoloriaeth gan Lywodraeth Iwerddon i ddilyn cwrs iaith dwys yn Iwerddon.

Cyflogadwyedd

Mae adborth gan gyflogwyr yn dangos yn gyson bod gradd yn y Gymraeg a'r leithoedd Celtaidd o Brifysgol Aberystwyth yn arwydd o gyrhaeddiad uchel. Mae ein graddedigion yn dod o hyd i waith yn y sector cyhoeddus a phreifat mewn meysydd megis dysgu, cyfieithu, gweinyddu, y cyfryngau a chyhoeddi, gwaith cymdeithasol, y gyfraith, twristiaeth, yr heddlu, a'r gwasanaeth sifil.

Ffeithiau Allweddol



Math o radd: BA.



Cod UCAS: Q562.



Hyd: 3 blynedd.

Modiwlau craidd

Dyma'r modiwlau craidd y mae'n bosibl y byddwch yn eu hastudio ar y cwrs hwn.

Y flwyddyn gyntaf:

laith Gyntaf

- Sgiliau Astudio laith a Llên
- Cymraeg Llyfr a Chymraeg Llafar
- Themâu a Ffigurau Llên c.550-1900
- Beirdd a Llenorion o 1900 hyd Heddiw.

Ail laith

- Ysgrifennu Cymraeg Graenus
- Trafod y Byd Cyfoes drwy'r Gymraeg
- Llenyddiaeth Gymraeg: Cyfoes a Hanesyddol.

Yr ail a'r drydedd flwyddyn:

- Gloywi laith.

Dyma rai o'r modiwlau dewisol y gallwch eu hastudio i ddatblygu eich diddordebau arbenigol:

- Gwyddeleg Modern (laith a Llên)
- Rhyddiaith y Dadeni
- Y Cynfeirdd Diweddar
- Y Gynganedd: Cwrs Trochi
- Barddoniaeth Tri Chwarter Canrif, 1900-79
- Traddodiad Benywaidd? Merched a Barddoniaeth 1400-1800
- Y Chwedl Arthuraidd cyn 1200
- Y Gymraeg yn y Gweithle
- Y Golygydd a'r Diwydiant Cyhoeddi
- Testunau Bob Lliw
- Y Cyfieithydd a'r Sector Cyfieithu.

I gael rhagor o fanylion am y modiwlau dewisol sydd ar gael, gweler y rhestr gyfredol ar ein gwefan, neu cysylltwch â ni.



Cymraeg Proffesiynol

BA (Anrh)

Mae hi'n bwysig darparu gwybodaeth a sgiliau i fyfyrwyr er mwyn iddynt lwyddo mewn gweithle proffesiynol dwyieithog. Aberystwyth yw cartref Cymraeg Proffesiynol, ac mae'r cwrs hwn, sy'n arwain y sector, yn boblogaidd ymhlith myfyrwyr a chyflogwyr sy'n chwilio am 'safon aur' yn y Gymraeg.

Bydd Cymraeg Proffesiynol yn mireinio'r sgiliau a fydd yn eich galluogi i ddefnyddio'r Gymraeg yn hyderus mewn cyd-destunau proffesiynol mor amrywiol â llywodraeth yng Nghymru, newyddiaduraeth, y cyfryngau a'r diwydiant cyhoeddi. Rydym hefyd yn darparu cyfle i chi roi'r sgiliau hyn ar waith trwy gyfrwng profiad gwaith mewn un o 30 o sefydliadau a busnesau yn y sectorau cyhoeddus a phreifat, gan greu cyfleoedd hollbwysig ichi rwydweithio.

Mae ein modiwlau craidd yn cyflwyno ystod o sgiliau hanfodol: llunio adroddiadau a datganiadau i'r wasg, cymryd cofnodion, cyfieithu ar y pryd, addasu ar gyfer radio/teledu/film, golygu copi, ac addasu testunau o ieithoedd eraill. Gallwch hefyd astudio amrywiaeth eang o fodiwlau dewisol sy'n canolbwyntio ar iaith, llenyddiaeth ac ysgrifennu creadigol, neu gallwch ychwanegu iaith arall at eich CV proffesiynol drwy astudio'r Wyddeleg, Gaeleg yr Alban neu'r Llydaweg.


Dyma rai o'r cyfleoedd sydd ar gael i fyfyrwyr Cymraeg Proffesiynol yn Aberystwyth:

- manteisio ar gefnogaeth darlithydd penodedig Cymraeg Proffesiynol ar y cynllun cyntaf o'i fath yng Nghymru
- bod yn rhan o Adran a chanddi lu o leoliadau gwaith â busnesau preifat a chyrrff sector cyhoeddus, a hynny'n eich galluogi i greu cysylltiadau gwerthfawr ym myd gwaith
- manteisio ar agosrwydd Llyfrgell Genedlaethol Cymru a'i hadnoddau gwyth.


Cyflogadwyedd

Mae cyfleoedd gyrfaol amrywiol ar gael i raddedigion y cyrsiau hyn, er enghraifft: cyfieithu, newyddiaduraeth, cyhoeddi, gweinyddu a rheoli. Mae nifer cynyddol o'n graddedigion wedi dechrau eu gyrfaeodd gydag un o'r cwmnïau neu sefydliadau partner lle buont yn gwneud profiad gwaith.

Ffeithiau Allweddol

 **Math o radd:** BA.

 **Cod UCAS:** Q5P0.

 **Hyd:** 3 blynedd.

Modiwlau craidd

Dyma'r modiwlau craidd y mae'n bosibl y byddwch yn eu hastudio ar y cwrs hwn.

Y flwyddyn gyntaf:

- Cyflwyniad i Gymraeg Proffesiynol
- Cymraeg Llyfr a Chymraeg Llafar.

Yr ail flwyddyn:

- Gloywi Iaith
- Y Gymraeg yn y Gweithle
- Astudiaethau Trosi ac Addasu
- Bro a Bywyd: Dehongli Treftadaeth Lenyddol y Cymry.

Y drydedd flwyddyn

- Prosiect Hir.

Dyma rai o'r modiwlau dewisol y gallwch eu hastudio i ddatblygu eich diddordebau arbenigol:

- Rhyddiaith y Dadeni
- Y Cynfeirdd Diweddar
- Y Gynganedd: Cwrs Trochi
- Rhyddiaith Tri Chwarter Canrif, 1900-79
- Traddodiad Benywaidd? Merched a Barddoniaeth 1400-1800
- Y Chwedl Arthuraidd cyn 1200
- Y Golygydd a'r Diwydiant Cyhoeddi
- Testunau Bob Lliw
- Y Cyfieithydd a'r Sector Cyfieithu
- Llydaweg: Cyflwyniad
- Gwyddeleg Modern: Cyflwyniad.

I gael rhagor o fanylion am y modiwlau dewisol sydd ar gael, gweler y rhestr gyfredol ar ein gwefan, neu cysylltwch â ni.

Cymraeg y Gweithle Proffesiynol

(gyda Busnes a Rheolaeth; Cyfrifeg a Chyllid)

BA (Anrh)

Mae'r cwrs arloesol, Cymraeg y Gweithle Proffesiynol, ar gael gyda Chyfrifeg a Chyllid (QN54) neu Busnes a Rheolaeth (QN51). Mae'r cyrsiau BA Anrhydedd Cyfun Cymraeg y Gweithle Proffesiynol yn cyfuno sgiliau ieithyddol a phroffesiynol ag arbenigedd mewn Cyfrifeg a Chyllid neu Busnes a Rheolaeth.

Ar y ddau gwrs hwn, bydd cyfle ichi ddysgu sut i weinyddu, golygu, cyfieithu a marchnata. Cewch ddysgu sgiliau rheoli, cyflwyno, arwain a chydweithio. Ar QN51 byddwch hefyd yn dysgu am entreprenwriaeth a datblygu eich busnes eich hun, ac ar QN54 byddwch yn arbenigo ym meysydd cyfrifeg a chyllid.

Byddwch yn ennill profiad gwerthfawr, drwy gyfrwng y Gymraeg, o'r cyfoeth o yrfaeodd a fydd ar gael i chi, a gallwch ddewis astudio agweddau ar y Gymraeg, ei diwylliant a'i llenyddiaeth yn ogystal.

Mae'r cwrs hwn ar gael i fyfyrwyr iaith gyntaf ac ail iaith, ac mae cyfle unigryw i ddilyn y cwrs hyd yn oed os nad ydych wedi astudio Safon Uwch Cymraeg Iaith Gyntaf.


Dyma rai o'r cyfleoedd sydd ar gael i fyfyrwyr Cymraeg y Gweithle Proffesiynol yn Aberystwyth:


- clywed a defnyddio'r Gymraeg mewn cymuned Gymraeg ei hiaith
- manteisio ar brofiadau'r staff addysgu ym maes Cymraeg Proffesiynol a Busnes a Rheolaeth neu Gyfrifeg a Chyllid, ac amgylchedd ymchwil fyrlymus
- manteisio ar agosrwydd Llyfrgell Genedlaethol Cymru.


Cyflogadwyedd

Mae cyfleoedd gyrfa yn cwmpasu cyfieithu (gan gynnwys cyfieithu ar y pryd), trawsgrifio, newyddiaduraeth a darlledu, cyhoeddi, ysgrifennu copi, gweinyddu a rheoli. Mae nifer cynyddol o'n graddedigion wedi cychwyn gyrfaeodd gyda chwmnïau partner a sefydliadau lle buont yn cwblhau hyfforddiant yn y gwaith fel rhan o'r cwrs.

Ffeithiau Allweddol

 **Math o radd:** BA.

 **Cod UCAS:** QN51 - Cymraeg y Gweithle Proffesiynol / Busnes a Rheolaeth. QN54 - Cymraeg y Gweithle Proffesiynol / Cyfrifeg a Chyllid.

 **Hyd:** 3 blynedd.

Modiwlau craidd

Dyma'r modiwlau craidd y mae'n bosibl y byddwch yn eu hastudio ar y cwrs hwn.

Y flwyddyn gyntaf:

- Cymraeg Llyfr a Chymraeg Llafar
- Hanfodion Cyfrifeg a Chyllid
- Hanfodion Rheolaeth a Busnes
- Sgiliau Astudio Iaith a Llên
- Understanding the Economy
- Ysgrifennu Cymraeg Graenus.

Yr ail flwyddyn:

- Corporate Finance and Financial Markets
- Cymraeg y Gweithle Proffesiynol
- Gloywi Iaith
- Intermediate Management Accounting
- Rheolaeth Adnoddau Dynol
- Rheolaeth Marchnata.

Y flwyddyn olaf:

- Gloywi Iaith yr Ail Iaith.

Dyma rai o'r modiwlau dewisol y gallwch eu hastudio i ddatblygu eich diddordebau arbenigol:

- Y Cynfeirdd Diweddar
- Rhyddiaith Tri Chwarter Canrif, 1900-79
- Y Golygydd a'r Diwydiant Cyhoeddi
- Testunau Bob Lliw
- Y Cyfieithydd a'r Sector Cyfieithu.

I gael rhagor o fanylion am y modiwlau dewisol sydd ar gael, gweler y rhestr gyfredol ar ein gwefan, neu cysylltwch â ni.

 **ar gael drwy'r Gymraeg**

- **76% Cymraeg y Gweithle Proffesiynol / Busnes a Rheolaeth (QN51)**
- **50% Cymraeg y Gweithle Proffesiynol / Cyfrifeg a Chyllid (QN54)**

Ysgrifennu Creadigol a'r Diwydiant Cyhoeddi

BA (Anrh)

Bydd y radd Ysgrifennu Creadigol a'r Diwydiant Cyhoeddi ym Mhrifysgol Aberystwyth yn rhoi ichi ddealltwriaeth drylwyr o'r maes. Cewch gyfle i droi'ch llaw at nifer fawr o wahanol ffurfiau creadigol, o gerddi i straeon byrion, o lèn meicro i lenyddiaeth ecffrastig - gan feithrin y gallu i'w defnyddio'n bwrpasol wrth greu. At hynny, cewch eich cyflwyno i faes eang y diwydiant cyhoeddi yng Nghymru a'r tu hwnt, gyda golwg benodol ar weisg ac ar asiantaethau allweddol fel Llenyddiaeth Cymru a Chyngor Llyfrau Cymru.

Mae ysgrifennu'n greadigol yn sgil allweddol sy'n cyfoethogi ein bywydau ni i gyd. Yn Aberystwyth, cewch gyfle i ddatblygu a mireinio'ch sgiliau ysgrifennu creadigol mewn Adran a chanddi draddodiad hir o arwain yn y maes hwn.

Mae'r cwrs hwn yn gyffrous ac yn hyblyg, ac mae'r sylw a roddir ynddo i'r diwydiant cyhoeddi ac i greadigrwydd fel ei gilydd yn ei wneud yn gwrs deinamig ac unigryw.

Dyma rai o'r cyfleoedd sydd ar gael i fyfyrwyr Ysgrifennu Creadigol a'r Diwydiant Cyhoeddi yn Aberystwyth:

- cael eich addysgu gan staff academiaidd sy'n gwneud ymchwil ac sy'n arbenigwyr yn eu meysydd, gan gynnwys cyhoeddi, cyfieithu creadigol, golygu a phrawfddarlenn
- elwa o gysylltiadau cryf â chyhoeddwr a sefydliadau llenyddol lleol
- ymgymryd â phrofiad gwaith perthnasol, ee gyda golygydd neu wasanaeth golygyddol, gwasg neu gyhoeddwr annibynnol
- dysgu iaith Geltaidd arall yn ogystal â'r Gymraeg os ydych yn dymuno, sef Gwyddeleg, Gaeleg yr Alban a Llydaweg.

Cyflogadwyedd

Erbyn diwedd y cwrs, byddwch yn meddu ar sgiliau creadigol, ymchwilio, beirniadol a chyfathrebu o safon uchel, ac yn barod am yrfa yn y diwydiant ysgrifennu a chyhoeddi ehangach.

Ffeithiau Allweddol



Math o radd: BA.



Cod UCAS: W840.



Hyd: 3 blynedd.

Modiwlau craidd

Dyma'r modiwlau craidd y mae'n bosibl y byddwch yn eu hastudio ar y cwrs hwn.

Y flwyddyn gyntaf:

- Cyflwyniad i Ysgrifennu Creadigol
- Sgiliau Astudio Iaith a Llên
- Cymraeg Llyfr a Chymraeg Llafar (iaith gyntaf)
- Ysgrifennu Cymraeg Graenus (ail iaith ac iaith gyntaf heb Safon Uwch).

Yr ail flwyddyn:

- Gweithdai Ysgrifennu Creadigol
- Gloywi iaith.

Y drydedd flwyddyn:

- Y Golygydd a'r Diwydiant Cyhoeddi
- Portffolio Ysgrifennu Creadigol Annibynnol.

Dyma rai o'r modiwlau dewisol y gallwch eu hastudio i ddatblygu eich diddordebau arbenigol:

- Y Cyfieithydd a'r Sector Cyfieithu
- Testunau bob lliw
- Rhyddiaith y Dadeni
- Pedair Cainc y Mabinogi
- Cymraeg Ddoe a Heddiw: Cyflwyniad i leithyddiaeth.

I gael rhagor o fanylion am y modiwlau dewisol sydd ar gael, gweler y rhestr gyfredol ar ein gwefan, neu cysylltwch â ni.

Graddau Cyfun

Pwnc	Ar gael gyda...	Gradd Gyfun
Cymraeg	Addysg	QX53
	Astudiaethau Ffilm a Theledu	QWM6
	Cysylltiadau Rhyngwladol	LQF5
	Daearyddiaeth	LQ75
	Drama a Theatr	QW54
	Hanes	QV51
	Hanes Cymru	QVN1
	Mathemateg	GQ15
Cymraeg Proffesiynol	Sbaeneg	QR54
	Y Gyfraith	MQ56
Cymraeg y Gweithle Proffesiynol	Busnes a Rheolaeth	QN51
	Cyfrifeg a Chyllid	QN54
Gwyddeleg: Iaith a Llên	Addysg	QX5H



Astudiaethau Cyfieithu Proffesiynol

MA (Hons) Tystysgrif Diploma

Dyma gwrs uwchraddedig unigryw sydd yn edrych ar bob agwedd ar waith y cyfieithydd proffesiynol yn y Gymru gyfoes. Bydd y cwrs hwn yn paratoi myfyrwyr ar gyfer gyrfa ym myd cyfieithu gan roi cyflwyniad iddynt i'r diwydiant yn ogystal â chyfle i ddilyn diddordebau unigol ac arbenigo mewn meysydd megis cyfieithu cyffredinol, cyfieithu deddfwriaethol, technoleg cyfieithu a chyfieithu ar y pryd.

Mae'r cwrs hwn yn cael ei gynneg i fyfyrwyr sydd newydd raddio ac yn awyddus i ddilyn cwrs uwchraddedig ym maes cyfieithu, ond mae'r cwrs hefyd yn cynnig hyfforddiant ychwanegol i'r rhai hynny sydd eisoes yn gyfieithwyr ac yn dymuno datblygu'n broffesiynol gan ennill cymhwyster cydnabyddedig ychwanegol wrth wneud hynny.

Mae'r cwrs yn addas ac yn cynnig hyfforddiant felly i fyfyrwyr o bob cefndir, boed yn gyfieithwyr sydd eisoes wedi camu i'r byd gwaith neu'n ddarpar gyfieithwyr sydd yn awyddus i gymryd y cam cyntaf hwnnw.

Cwrs i bwy?

myfyrwyr sydd newydd raddio mewn pwnc perthnasol unigolion sy'n awyddus i ddechrau ym maes cyfieithu cyfieithwyr profiadol sy'n awyddus i gael cymhwyster pellach, datblygu'n broffesiynol neu arbenigo ymhellach mewn agwedd benodol ar gyfieithu.

Tystysgrif / Diploma / MA

Gellir astudio ar gyfer cymhwyster Tystysgrif yn unig, neu barhau i gwblhau Diploma ac yna cymhwyster MA llawn. Gellir astudio'n llawn amser neu'n rhan amser, a gellir cofrestru ar gyfer cwblhau modiwlau unigol.

Ffeithiau Allweddol



Math o radd: MA.



Cod UCAS: Q596.



Hyd: 1 flwyddyn (llawn amser).



Proffiliau myfyrwyr



Elen Haf Roach

Cwrs: Cymraeg Proffesiynol

Roedd y cwrs yn apelio ataf oherwydd... ei natur fodern a bywiog. Mae'r profiadau a sgiliau rwyf wedi magu yn wych ac rwy'n teimlo fel bod y cwrs yn eich paratoi ar gyfer y gweithle a bywyd wedi'r Brifysgol.

Y peth gorau am y cwrs yw... yr agosatrwydd sy'n bodoli rhwng fy nghyd-fyfyrwyr a'r staff. Golyga hyn fod hi'n hawdd gwneud ffrindiau oes tra'n meithrin sgiliau newydd fydd yn hollbwysig ar ôl i mi raddio.

Y peth braf am astudio yn Aberystwyth yw... yr ymdeimlad o berthyn a'r gymuned glos Gymreig. Yn ddi-os, mae'r Brifysgol a'r dref yn mynd law yn llaw â'i gilydd ac mae hyn yn creu awyrgylch arbennig iawn wrth astudio a mwynhau popeth sydd gan Aberystwyth i'w chynnig.



Alaw Jones

Cwrs: Cymraeg Proffesiynol

Roedd y cwrs yn apelio ataf oherwydd... ei fod yn gyfle i ddysgu sgiliau a fydd o fudd i mi eu defnyddio yn y gweithle proffesiynol.

Y peth gorau am y cwrs yw... cael blas ar lu o brofiadau a phrofi trawsdoriad o fodiwlau. Profiad amhrisiadwy oedd cael bod yn rhan o dîm golygyddol cylchgrawn llenyddol 'Y Ddraig' a threfnu noson Llên a Chân. Mae'r cwrs yn cynnig gymaint o gyfleoedd i ni fel myfyrwyr, o ysgrifennu creadigol i ddefnyddio ein hiaith ar waith, a Sgiliau Astudio Iaith a Llên.

Y peth braf am astudio yn Aberystwyth yw'r... teimlad cartrefol sydd rhwng y Brifysgol a'r dref, yn ogystal a golygfeydd godidog o Fae Ceredigion.



Ela Wyn James

Cwrs: Cymraeg / Drama ac Astudiaethau Theatr

Y peth gorau am y cwrs yw... y ffaith fy mod yn medru astudio Cymraeg a Drama ar y cyd yn hwylus. Mae pob darlith yn cynnig rhywbeth gwahanol a newydd sy'n fy niddori'n fawr.

Y peth braf am astudio yn Aberystwyth yw... prydfferthwch y dref. Mae'r golygfeydd godidog yn ddigon i roi gwên ar eich wyneb ac mae pawb yn barod i'ch helpu ar unrhyw adeg. Dyma brifysgol hyfryd i astudio ynddi ac rydych yn sicr o gael amser gwerth chweil yma.



Hannah Lowri Evans

Cwrs: Cymraeg / Drama ac Astudiaethau Theatr

Y peth gorau am y cwrs yw... dysgu hanes yr iaith, a'r heniaith gan ehangu fy ngorwelion yn ogystal â chwrrd â ffrindiau newydd.

Y peth braf am astudio yn Aberystwyth yw... ei fod yn brifysgol ger y lli ac yn rhan o gymdeithas fach Gymreig... yn ogystal â'r holl gyfleoedd y tu allan i oriau gwaith megis dod yn aelod o UMCA ac Aelwyd Pantycelyn. Peth braf yw hefyd gallu astudio yn Llyfrgell Genedlaethol Cymru.



Roger Stone

Cwrs: Cymraeg

Roedd y cwrs yn apelio ataf oherwydd... bod astudio am radd yn y Gymraeg yn uchelgais ers blynyddoedd mawr ac ers imi ymddeol o'r gweithle mae gennyf gyfle i'w wireddu.

Y peth gorau am y cwrs yw... yr amrywiaeth eang o fodiwlau a geir. Y mae pob pwnc yn ddiddorol a chyflwynir pob un gan arbenigwr sydd yn fy sbarduno i ddysgu mwy a dyfnhau fy nealltwriaeth. Ceir cyfleoedd annisgwyl i wneud pethau newydd fel paratoi erthygl i'w chyhoeddi a threfnu noson lenyddol a cherddorol.

Y peth braf am astudio yn Aberystwyth yw... argaeledd popeth o fewn pellter cerdded. Y mae adnoddau heb eu hail ar y campws ac yn agos iddo - yn enwedig y Llyfrgell Genedlaethol a'i chynnwys aruthrol. Ar y campws y mae pob aelod o'r staff yn gymwynasgar iawn, sydd yn galonogol.



Nia Lloyd

Cwrs: Cymraeg Proffesiynol

Roedd y cwrs yn apelio ataf oherwydd... roeddwn yn cael y cyfle i ddatblygu sgiliau angenrheidiol y bydd eu hangen ym myd gwaith. Fel myfyriwr sydd ddim yn siŵr pa lwybr gyrfa hoffwn ei ddilyn, mae'r cyfnod o brofiad gwaith y mae'r cwrs yn cynnig yn werthfawr.

Y peth gorau am y cwrs yw... chwrrd â ffrindiau newydd â'r un angerdd â mi tuag at y Gymraeg. Hefyd, mae'r ffaith fy mod yn medru dewis modiwlau sy'n fy siwtio i yn gwneud y gwaith yn gyffrous a diddorol.

Y peth braf am astudio yn Aberystwyth yw... byw yn ymyl y môr. Mae yna wir deimlad o gymuned yma yn ogystal - cymuned nas ceir yn unrhyw le arall. Mae'n hyfryd bod yn fyfyriwr yma a does dim amheuaeth y byddwch yn cael amser gwerth chweil yma hefyd!



Cyflogadwyedd

O sicrhau sgiliau cyfathrebu rhagorol yn y Gymraeg ynghyd â dealltwriaeth o ddiwylliant Cymru, gallwch ddisgwyl mwynhau amrywiaeth eang o swyddi.

Yn sgil Deddf yr Iaith Gymraeg a sefydlu Llywodraeth Cynulliad Cymru mae galw mawr am weision sifil, gweinyddwyr, cyfieithwyr, gweithwyr cymdeithasol, swyddogion marchnata, yn ogystal ag athrawon, ysgrifenyddwyr, cysodwyr, golygyddion, darllenwyr proffenni, cyhoeddwyr, newyddiadurwyr ac ymchwilwyr a chyflwynwyr yn y cyfryngau Cymraeg.

Mae gradd yn y Gymraeg o Brifysgol Aberystwyth yn paratoi myfyrwyr ar gyfer ystod eang o gyfleoedd gwaith gwerthfawr yn y sectorau preifat a chyhoeddus yng Nghymru a thu hwnt. Mae canlyniad cyflogadwyedd yr Adran yn dweud y cyfan: roedd 100% o'n graddedigion mewn swydd neu addysg bellach chwe mis ar ôl iddynt raddio. (HESA 2018)

Mae cyflogadwyedd wedi ei ymgorffori yn y cwricwlwm a gynigir i bob un o'n myfyrwyr. Nod ein modiwlau amrywiol yw meithrin eich sgiliau beirniadol, dadansoddol a chreadigol. Bydd ein modiwlau yn atgyfnerthu eich Cymraeg llafar ac ysgrifenedig, ac yn eich paratoi ar gyfer marchnad swyddi gystadleuol drwy wella eich gallu

i gyfathrebu'n effeithiol ac i weithio â phobl eraill. Mae'r modiwl 'Y Gymraeg yn y Gweithle' yn cynnig profiad gwaith gyda 30 o sefydliadau a chwmnïau cenedlaethol a lleol.

Ar ben hynny, mae'r cynllun gradd blaengar 'Cymraeg Proffesiynol' wedi sefydlu ei hun yn gymhwyster safonol ym marn darpar gyflogwyr sy'n chwilio am weithwyr dwyieithog cymwys - cafodd nifer o'n myfyrwyr gynnig gwaith amser llawn yn sgil eu lleoliadau gwaith.

Mae'r Adran hefyd yn rhan o gynllun sy'n cael ei gynnig gan y Gwasanaeth Gyrfaoedd sy'n cynnig arweiniad i fyfyrwyr ar agweddau ymarferol megis ysgrifennu CV a sut i ymddwyn mewn cyfweiliad. Daw siaradwyr gwadd yn eu tro o'r tu allan i'r Brifysgol i sôn am y cyfleoedd sydd ar gael i siaradwyr y Gymraeg yn y farchnad waith. Fel rhan o'r cynllun byddwch yn cael eich annog i fanteisio'n llawn a'r y profiadau ar cyfleoedd sydd ar gael i chi yn ystod eich cyfnod yn Aberystwyth, er mwyn i chi allu eich gwneud eich hun yn fwy cyflogadwy ac yn fwy deniadol i ddarpar gyflogwyr.

Ymchwil

Ymchwil sy'n gyrru Adran y Gymraeg ac Astudiaethau Celtaidd ac mae ein staff yn arbenigo ar iaith a llên Cymru a'r gwledydd Celtaidd eraill: Iwerddon, yr Alban, Ynys Manaw a Llydaw. Mae ein hymchwil i agweddau ar Astudiaethau Cymreig a Cheltaidd yn rhychwantu'r canrifoedd, ac yn cwmpasu'r meysydd arbenigol canlynol:

- ysgolheictod testunol a sgiliau golygyddol; diwylliant llawysgrifol a llenyddol
- cyfieithu ac addasu llenyddol (damcaniaeth ac ymarfer, yn cynnwys y Canol Oesoedd)
- ieithyddiaeth ac ieitheg
- damcaniaeth feirniadol, yn arbennig ffeministaeth ac astudiaethau rhywedd, eco-feirniadaeth, damcaniaeth ymateb y darllenydd
- hanes a beirniadaeth lenyddol
- ysgrifennu creadigol
- bywgraffiad ac ysgrifennu am fywyd
- ysgrifennu a diwylliant llenyddol merched
- llenyddiaeth y tirwedd a'r amgylchedd
- hunaniaeth leol a chenedlaethol mewn llenyddiaeth a diwylliant modern cynnar a chyfoes; llenyddiaeth 'pedair cenedl' ac 'archipelegaidd'
- llenyddiaeth Gymraeg a Gwyddeleg gymharol.

Rydym yn croesawu ceisiadau gan fyfyrwyr MPhil a PhD.

Yn y Fframwaith Rhagoriaeth Ymchwil ddiweddaraf cadwdd yr adran ei henw da am gyhoeddiadau ymchwil o safon flaengar drwy'r byd, a rhagoriaeth rhyngwladol. Barnwyd bod 25% o gyhoeddiadau'r Adran yn flaengar drwy'r byd (4*) ac ystyriwyd bod 30% arall yn 'rhyngwladol ragorol' (3*).


Mae'r cylchgronau pwnc-ddiffiniol canlynol yn cael eu golygu gan aelodau o'r staff:

- **Dwned** (Dr Bleddyn Owen Huws)
- **The Journal of Celtic Linguistics** (Dr Simon Rodway).

Mae proffiliau'r staff yn cynnwys gwybodaeth am ddiddordebau ymchwil unigol y staff. Drwy'r blynnyddoedd mae'r Adran wedi derbyn grantiau allanol ar gyfer prosiectau cydweithredol.

- Trawsgrifiad o lawysgrif Cyfraith Cymru a ddihangodd o dân Wynnstay ym 1858
- Llenyddiaeth Cymru ac Ewrop (The literature of Wales and Europe)
- 'Women's Poetry in Ireland, Scotland and Wales 1400-1800' (Leverhulme Trust)
- Ymddiriedolaeth
- 'Gohebiaeth Carneddog a Rhai o'i Gyfoedion'- (the Correspondence of Carneddog and some of his contemporaries).

Mae gennym fantais sylweddol arall. Mae Aberystwyth yn gartref i amryw o sefydliadau allweddol, gan gynnwys Llyfrgell Genedlaethol Cymru, un bump o llyfrgell hawlfraint yn y Deyrnas Gyfunol.



Cyrol ddiweddaraf Dr Bleddyn Owen Huws ar T.H.Parry-Williams yw enillydd Gwobr Goffa Ellis Gruffydd 2019.



Dr Rhiannedd Jewell, enillydd Medal Dillwyn 2018 a Gwobr Goffa Ellis Gruffydd 2018 am ei chyrol ar gyfieithiadau llenyddol Saunders Lewis.

Cyfleoedd byd-eang



Mae tîm Cyfleoedd Byd-eang Aberystwyth yn cynnig amrywiaeth gyffrous o ddewisiadau ichi fynd dramor am ran o'ch gradd: o gyrsiau byr a chyfleoedd i wirfoddoli yn ystod yr haf i dreulio semester neu flwyddyn lawn yn astudio'r pwnc o'ch dewis yn un o'r prifysgolion sy'n bartner inni.

Mae'r brifysgol hefyd yn cynnig nifer o gyrsiau sy'n cynnwys blwyddyn integredig yn astudio dramor. Mae hyn yn eich galluogi i astudio yn un o'n prifysgolion partner yn Ewrop neu mewn rhan arall o'r byd am un neu ddau semester yn ystod eich trydedd blwyddyn, gan ddychwelyd i Aberystwyth ar gyfer eich blwyddyn derfynol ac i raddio.

Mae adroddiadau'n dangos bod myfyrwyr sy'n astudio dramor yn fwy deniadol i gyflogwyr ac yn ennill mwy o gyflog na'u cyfoedion. Cymrwch fantais o'r cyfle unigryw hwn i wella eich sgiliau allweddol trwy ddewis astudio dramor.

Myfyrwyr leithoedd

Mae myfyrwyr sy'n astudio mwy nag un iaith yn Aberystwyth yn treulio blwyddyn ychwanegol yn astudio neu'n gweithio dramor. Mae'r cyfnod yn byw dramor yn gwella rhuglder a hyder yn yr ieithoedd a ddewisir ac yn ymdrwytho myfyrwyr yn niwylant y wlad.



Brest



Marburg



Galway



Rennes




Dulyn



Utrecht



Limerick



Maynooth

Sut i wneud cais

Pan fyddwch wedi penderfynu pa gwrs yr hoffech ei astudio a ble, gallwch ddechrau'r broses o ymgeisio. Dyma gipolwg byr o'r broses a'n gweithdrefnau yma yn Aberystwyth.

1 Gwneud cais trwy UCAS.com

Dyddiad cau 15 Ionawr. Côd sefydliad Prifysgol Aberystwyth: A40

Gair i gall: Cewch rif UCAS 10 digid. Cadwch hwn wrth law oherwydd gofynnir am y rhif nifer o weithiau.

2 Bydd y brifysgol yn ystyried eich cynnig

Gair i gall: Defnyddiwch UCAS Track i gadw llygad ar eich cais. Yn Aberystwyth rydym yn ceisio gwneud penderfyniad o fewn 4 wythnos.

3 Bydd y cynnig i'w weld ar UCAS Track

4 Penderfynwch ble i fynd

Pan fyddwch wedi cael eich holl gynigion, bydd angen i chi benderfynu i ba brifysgol yr hoffech fynd, o fewn amser penodol. Dyma pryd y bydd angen i chi nodi pa brifysgolion fydd eich dewisiadau cadarn ac wrth gefn.

5 Llety

Pan fyddwch wedi gwneud eich dewis cadarn/wrth gefn gallwch wneud cais am lety (Ebrill ymlaen).

6 Diwrnod y canlyniadau

Bydd UCAS Track yn cadarnhau eich cynnig o le. Os nad ydych yn sicr beth yw'r cynnig, cysylltwch â'r brifysgol yn uniongyrchol. Gwnewch yn sicr nad ydych ar wyliau ar ddiwrnod y canlyniadau. Os nad ydych yn cael y graddau yr oeddech wedi gobeithio amdanynt, efallai yr hoffech ystyried y broses Glirio

7 Dechreuwch bacio!



Adran y Gymraeg ac
Astudiaethau Celtaidd,
Adeilad Parry-Williams,
Penglais,
Aberystwyth,
Ceredigion, SY23 3AJ

+44 (0)1970 62 1537

cymraeg@aber.ac.uk

/CymraegAber

@CymraegAber

Wedi'u dylunio a'u cynhyrchu gan
Marchnata a Denu Myfyrwyr,
Prifysgol Aberystwyth 2021.

